

WEURDJE VANNE VORST



Goojendaag! Ei weurdje det wèe veul miër môtte zègge ôngerein, ouch al kinne wèe ôs neet drek. Eine goojendaag winse, dao wèere ter altiëd 2 bèeter van: dèe hum kriëgtj en dèe hum winstj! Missjiën liërse dich ôngerein waal bèeter kinne, nao desse ei paar kiër 'goojendaag' tegenein hõbs gezag. Laot det dit jaor miëne carnavalswins zeen veur uch allemaol: miër same doon, in plaats van miër en miër te vervreemde vanein.

Al jaore doon wèe, Rabbedabbers, miër en miër same. Neet binne ôzze eige groep, mer mèt alle anger luj oët ôs dörp en ôs fusiej. En det zonger kameraöj van vreuger te vergèete! Nateurlik kinse dich neet in 2 deile, ôm op 2 plaatse tegeliëk te zeen, mer de kins waal dien bèst doon ôm ter same ouch het bèste van te make! Wèe zeen es Rabbedabbers ôngeluifelik bliej det 'r zoë veul luj oët ôs eige dörpke trök mèt doon aan ôs Prinsezitting. Det is ein echte luks, en det muktj det wèe es carnavalsvereiniging 11 kiër zoëveul ôs bèst gaon doon ôm ter mèt de vastelavondj weer ein flinke lap op te gèeve. Ouch

de massale opkômst veur de 11dje novemberveering op 't Dörp, de groëte belangstèlling vanne kinjer, aojers en anger vereiniginge veur ôs alleriëste Kinjerzitting, en de positieve kômentare euver de Kinderse carnaval: det duit good!

Wèe zeen geweldig kôntent det de carnaval in Biësel, Kèsing, Ophove, Geistinge en Kinder bieje de bèste oët de 2 Limburge gerèekendj maag wèere. Det diej versjillendje vereiniginge zich ôngerein steune, en ter same get van make boë de luj vriëd en gruëts op kinne zeen.

Esse det besefs, en de wèts det wèe es carnavaliste en simpatiezante ôngerein ôs fusiej ei klein bitje miër kinne laote same kôme, sterker laote wèere, miër ôngerein te laote geneete,... den kumtj zoë eine spontane **goojendaag** vanzelf.

Op het lèste blaad van dees gezèt vindj gèe de versjillende vastelavesaktiviteite veur het kômendj wiekendj. En vergèet ouch het hiëring happe neet inne Kinderse café's op aswoonsdig! Ich hoop det gèe vriëdig massaal aafstômty op Radio Monza, det gèe ter veur de stoet en het Verklëdj Bal in Café Sport massaal oët komtj. Ich hoop det geë allemaol mèt carnaval gaot veere, en ich wins ouch den ouch allemaol '**gooj daag**'!

Jeugdroad Alaaf!
Rabbedabbers Alaaf!
Kinder Alaaf!

Vorst Mark



40^{ste} jaorgank

RABBEDABBERS 2017



MÈT IN DEES EDISIE

- Proklamasiej Prins Marc 3
- Proklamasiej Jeugdprins Pieter 1 & Jeugdprinses Niene 1
- Brèekendj noëts: de Pinot Basdônk is dao!
- Kinderse Pokemons vange!
- 2016: het jaor vanne jubilarisse in Kinder!
- Mc Donalds kumtj nao Kinder!
- Alweer ei geheim resept van Pool Frit!
- Kinderse loekalaajks!
- Gemeindjebesteur geit 100% veur Kinders Plat!
- Kinderse gevels idejaal veur reklaam op maot!
- Kinderse mèlktaks ein kwestie van tiëd!
- De Q8 Keyers kwis!
- Buurtgezelle Kinder ei groët sukses!
- Wiet kweke mèt Bôndj!
- KDR Kalbojs gaon vanne grôndj!
- Foute openingszinne!
- Taxi Bèr!
- Topspeulers Maaslandj NO trèkke nao China!
- ... en goj veul miër sjèele zeiver!

PROKLAMASIEJ PRINS MARC 3



Gedaon te Kinder inne sporthal oppe 40e prinse-
zitting van 14 janewariej 2017 door ugge 40e
groëte prins van de Rabbedabbers van Kinder,
Graaf van de Breejerwèeg, Hertog vanne
Sjans, Baron van cement, sjap en gewa-
opendj betông,

Ugge euvergelökkige
prins Marc den 3e

Miën leuze veur dit jaor zal dèn
auch zeen :

*Binne 111 jaor zal
Kinder het nog
altied weite,
In 2017 waas
Marc de 3e
Prins: det
waas pas
zweite!!!*

Mèt
de gra-
siej vanne
Veurzitter en
miëne veurga-
ondje Prins, mèt de
zèege vanne aod-prinse
verklaor ich hiejbij van-
daag miën èllef punte.

TEN IËSTE: Ich, Marc

Voortmans, bèn vandaag zoë fier es
eine geeter. Want ich maag uch vertèlle
dèt ich dit jaor door het lèeve kan gaon
es 40e groëte prins vanne Rabbedabbers van
Kinder es : Prins Marc den 3e !

TEN TWIËDJE: Allein is mer allein, en det is bij
mich gelökkig neet het geval. Aan miën zij stuit dit
jaor: Prinses Lut de 2e !

TEN DÖRDJE: Dit kestuum zitj mich es gegote, en ouch
miën Prinses Lut zuët 'r good oët mèt det kruënke en dèe collier.
Dit is het jaor van Prins Marc de 3e, van Prins Marc mèt ein C!

TEN VEERDJE: Gèe huërtj het good: miëne naam eindigdj op ein C,
en daomèt is eigelik genôg gezag!

De C van carnaval: ich bèn veur Prins te wèere inne weeg gelag!

TEN VIËFDJE: Iëst 13 jaor lid vanne Raod van Èllef en nòw bèn ich groëte
Prins! Al minstes 11 jaor, waas dit miëne wins!

TEN ZÈSDJE: Es penningmeister vanne Rabbedabbers hób ich ter de veurbieje jaore
good op gelètj òm neet teveul cente oët te gèeve! Dao zitj nog genôg in ôzze kas, òm tot
aan het hiëring happe, es eine echte Prins te kinne lèeve!

TEN ZEEVENDJE: Ich woën oppe Breejerwèeg, op det stökske boë de stoet strak 2 kiër
passeertj! Ich trakteeer doa de Raod enne Aod Prinse op eine lekkere borrel,
es de sjefföar dao 111 sekonde de wage parkeertj!

TEN ACHTSTE: Op 28 janewariej haoj ich miën Prinsebal inne fanfarezaal: de zaal dèe binnekort veur
den Aldi môt wiëke! Det dink geit ein van dees tege de gròndj, dus wèe môtte nörges hèer kiëke!

TEN NEEGENDJE: Aan alle klein grenskriminele zèg ich dit: miën Prinses en ich gaon de kômendje wèeke
ferm carnaval veere. Mer bjôs aane koëj zitte waal 2 groëte waakhunj, gèe kintj bèst uch lèeve neet riskere!

TEN TIËNDJE: Ich gaon de kômendje carnavalsdaag gaas gèeve wiej eine betôngmikser!

En eederein dèe neet mèt aanslutj in miën polonèese, det is eine wikser!

TEN ELLEFDJE: Bloome verwelke en sjeepe vergaon!

Mer al waat is gemaaktj mèt betông van Prins Marc, bliëftj veur altiëd staon!

PROKLAMASIEJ JEUGDPRINS PIETER 1 EN JEUGDPRINSES NIENE 1



TEN IËSTE:

Ich
bèn Pieter
Zuidam, zoon
van Ronald Zuidam
en Wendy Kin.
Mer vanaaf vandaag maag
eederein mich aanspreeke es
Jeugdprins Pieter den 1e!

TEN TWIËDJE: En ich bèn Niene
Bogie, dochter van Dirk Bogie en Inge
Van de Beek. En vanaaf noë tot
volgendj jaor rôndj deze tiëd, heit ich
Jeugdprinses Niene de 1e!

TEN DÖRDJE: Mèt 2 katte, 4 hunj en nog ei br-
oor Remco en ei zöster Judith is het bjôs ein euvervolle
koëj! Ich dink det ich mèt de stoet, boëte veul gooje slôk,
ouch mer ins get van ôzze rômmel vanne wage aaf goëj!

TEN VEERDJE: Bjôs is het get röstiger aan hoës, dao laope
en vleege allein miën broor Jelle en get veugelkes in het rôndj! En
nateurlik mama en papa, eigelik make veural ziej het bôndj!

TEN VIËFDJE: Es ich bjôs maag koke, hoeftj het veur neet aan en gaon
wèe nao de frituur veur eine frit special! Zoëlang ich Jeugdprins bèn, roop ich
diej delikates oët tot de offisjele menu vanne carnaval!

TEN ZËSDJE: Ich gaon ouch veur eine lekkere frit, al aat ich ouch eederen daag
spaghetti es ich kos! Mama maag det mèt de vastelaovendj allebei same klaor make, ich
höb toch eine maag van staol en betôn!

TEN ZEEVENDJE: Oppe taekwondo, mèt drumme en oppe Chiro lèef ich mich eedere
wèek oët wiej ein biëst! En ôm tot röst te kôme gaon ich ins gèer vesse, met anger weurd: miën
lèeve is ei fiëst!

TEN ACHTSTE: Bij de Twirling mèt de All-Stars goëj ich gèer mèt klöppele inne locht en höb ich al
hiël get titels op miëne naam! Rabbedabbers: geine sjrik höbbe. Diej klöppels zeen smaal en van iëzer, aan
uch kôm ich neet aan!

TEN NEEGENDJE: Meziëk huërtj bij de carnaval, en veur mich maag dao geröst eine beat ônger!
Snollebolleke bijveurbeeldj: ei good fiëst kintj neet zônger!

TEN TIËNDJE: Es ich de plate maag keze zèt ich Juulke op, dus DJ dreij dèe seffes mer gauw! Binne 15 of 20 jaor
maag dèe alvast kôme zinge op miëne trouw!

TEN ÈLLEFDJE: Ôos leuze veur dit jaor zal zeen:

*Carnaval beteikentj plezeer en lol, dao is geine tiëd ôm te treure!
Mèt Jeugdprins Pieter en Jeugdprinses Niene geit Kinder daverre es noëjts teveure!*



Aod prins Roland 1 & De Rabbedabbers bedanke dees hanjelèers veur hunne steun in 2016 ...

- ABC wooninrichting
- ADK NV
- Afwerkingsbedrijf Carpentier
- Algemene Bouwwerken Kurt Pierson
- Algemene Kitwerken Jacky Neyens
- Amerikaanse Stock Geelen
- Amesco
- Aveve Verbeek
- Bakkerij Martens
- Bandenshop Kinrooi
- Beelen Sven Algemene Elektriciteitswerken
- Begrafenisonderneming Vancleef Kinrooi
- Belfius Kinrooi
- Bloemencreatie Monique
- BNP Parisbas Kinrooi
- Bouwbedrijf Dirckx J.
- Café De Limburger
- Café Sport
- Chocolate Atelier
- Coolen Rudi ERGO
- Danny Kunnen – KD Interieurbouw
- Danny Vandevorst
- De Bakmiep
- Dierenarts Bruckers
- Diëtiste Tienieke Silkens
- Domen Drinks
- Dr. Hechtermans
- Fietsen Henkens Eric
- Fietsshop Vandewal
- Frituur 't Hapje
- Frituur GiGi
- Frituur 't Simpelke
- Garage Benny Jacobs
- Garage Vandervecken - Sterkendries
- Garage Winters
- Grond- en Waterwerken Heymans
- Henri Ceyskens Inox
- Herenkapper Piet Verstraeten
- ING Kinrooi
- Kapsalon Brigitte
- Kapsalon Ellen
- Kapsalon Madeleine
- Kapsalon Marie-Therese
- Kapsalon Perfect styling
- Kapsalon Suzy
- KBC Kinrooi
- Keukens Vanthoor Eddy
- Kinesist Loyen J.
- Kinesiste Els Bosmans
- Kinesiste Ilse Jacobs
- Kinesiste Lieve Klaps
- Kinesiste Stefanie Joosten
- Kinsport
- Lemmens Marc BVBA
- Linssen Stan Verzekeringen
- LS Car Service
- Lunchbox
- Maco Elektro
- Malpertuus
- Marc Segers
- Marisa Di Girolamo
- Melkveebedrijf Hoeken LV
- Naaimachines Janssen H.
- Nachtwinkel 't Dorp
- Notaris Debucquoy
- Petroleumproducten Segers
- Press & Paper Clips
- Q8 Keyers Jos
- Radio Monza
- Rijsschool Maasland
- 't Rond Punt
- Schoonheidssalon Maryeskai
- Schrijnwerkerij Smeets M.
- Sec. Poorten Peter Kuypers
- Security Willen
- Segers Snacks
- SMEPO Jan Smeets
- Sportcafé De Schans
- 't Stampertje
- Stukadoor L. Houben
- Tandarts Johan Lemmens
- Tandarts Vanende M.
- Tattoo Jos Breukers
- Theybers Rudi DVV
- Traiteur Peter Cremers
- Tuinaanleg en –onderhoud Chris Hendrixx
- Vanwijck Tony Sanitair en CV
- VDS Elektronics
- Verzekeringen Geert Teuwen
- Verzekeringen Schaekers
- Verzekeringen Teuwen Stefan

*Het is mèt door ugge steun
det de Kinderse carnaval
kintj biëve bestaon!*



Q8 KEYERS KWIS

GROËT SUKSES!

Het geit good mèt de Belze benzinpômphaojers inne gemeindj. Dankzij het tènktourisme zakke dageliks hiël get Hollenjers aaf euver de grens, òm hiej de bak vol te goëje. In feite ligtj zjust de **Q8 van Keyers** neet idejaal, òmdet 'r in Biësel, Kèsing en Mezeik weurdj aafgebloktj door de kòngkurensiej. Mer, Keyers zou Keyers neet zeen, mòs hèe dao neet get op hóbbe gevònje!

In naovolving van de alòmtegevoordige kwisse in parochiezèelkes of oppe tillevisiej, is ouch Keyers eine dagelikse kwis gestartj. "Zèt d'n tillevisiej mer ins op, den zuëse het: kwisse wirkjt!" aldus Jos. "Eederein Beroemdj, Blokke, De Slumste Mins: dao kintj al jaore

niks tegenop. Ich kòs neet achter blieve, en stèl den ouch eederen daag ein vraag oppe leegtreklaam. Es de minse bij het betale mich het zjuste antwoordj kinne gèeve, kriëge ze ei krasleutje. Efkes dabbe, en den wètse ofse 10, 20 of zelfs 30% op het totaalbedraag trök kriëgs! Toch ein sjoën klats geldj mèt te winne, mich dunkjt!"

Wèe hóbbe al ei paar kiër mèt gekwistj, en het môt gezag: de vraoge zeen pittig!



GEWUËN MÔPPE

Dries Terium vreugtj aan ziëne baas **Patrick Doumen**: "Krieg ich mörge vriej? Ich wil gèer nao de begrafenis van sjoënmoojer." Patrick: Wèem wiltj det noë neet gèer?

Tiny Vandael, dèe wirkjt bij de gemeindj, löptj langs de straot mèt ein kroekèr achter zich aan. **Mathy Kwaspén** kumtj Tiny tege en vreugtj: "Boëveur pukse diej kroekèr neet fatsoenlik vast, en trèkse diej achter dich aan?" Tiny antwoordj: "Jòng, ich kin gei wirk zeen..."

Marijn Pouls zitj bij **Café De Limburger** aan het buffet. Es **Dorien Cleeren** binne kumtj, geit ze langs hum zitte. Marijn zeet tege heur: "Dich liëks sprèkendj op miën twiëdje vrouw!" "Wiej dèk bès dich getrouwdj?" vreugtj Dorien. Marijn antwoordj: "Nog mer eine kiër!"

Maurice Maessen, eine Kinroojer Hollenjer, stuit bjun de vèrf vanne rame en deure te dabbe.

Ron Tonnaer zuët det gebeure en vreugtj: "Enne, geise de koëj sjildere?" Maurice: "Nèe, ich gaon verhoëze."

AANGEBRANDJE MÔPPE



**Kathleen
Christis
en Stefanie
Joosten** zeen
aan het golfe.

Kathleen geuftj ein ferm lel tege het belke. Het vluëgtj recht nao de volgendje howl, boë **Dave Bullen** en **Dirk Bullen** aan het speule zeen. Dave weurdj vol geraakt! Hèe viltj drek oppe grôndj en vlooktj vanne piën. Kathleen löptj 'r snel hèer en vindj Dave inein gekrômpe mèt de henj tösse ziej kruës. Ziej vreugtj bezörgdj: "Kin ich dich helpe?" Dave antwoordj: "Nèenèe, loat mich mer. Strak zal het waal bèeter gaon." Kathleen dringtj aan en zeet: "Mer ich bèn kinesiste en ich kin dich missjien helpe..." Dave zuchtj ins en geuftj toë: "Alé den." Kathleen truktj ziën henj tösse de bein oët, duit veurzichtig de bôks ope, stiktj heur hanj binne en begintj mèt ein zaachte masaasj òm de piën weg te pakke. Ei paar minute later vreugtj ze: "En? Veultj det al neet ei stök bèeter?" Dave, dèe het òngertösse al flink werm heet, antwoordj opgewônje: "Jaowaal, mer ich dink toch det miëne doëm gebroke is..."



GEMEINDJEBESTEUR GEIT 100% VEUR KINDERS PLAT!

Dao môt bespaardj wèere. De tering môt nao de nering wèere gezat. Wèe lèeve bove òzze standj mèt al òs euverheidsoëtgave. De huërs het de lèste jaore everal, dus dao zal toch waal get van aan zeen...

Ôs ministers in Brussel kriëge de rèekeninge mer neet positief, dao weurdj gestecheldj det het veul begintj te trèkke op ein vergadering vanne KVRK. Dus môt mer weer de kleine, normale börger beginne mèt het vèt van het verke te snieje. Ouch de gemeindjebesteure hōbbe de opdracht gekrege òm te bespare op alle niveos: van greundeest tot meubilèer, van perseniël tot sjepene, van hardwèer tot softwèer. Zelfs tot besparinge op penne, stifte en pepeer toë! Gelökkig waas det lèste veur òs Kinder gein inkel probleem: òs dialektj liëntj zich noë immers perfekt veur effiesjenter te wirke. Wèe kriëge alles bèeter en mèt veul minder weurd gezag den diej luj waat oppe lètter kalle. Es wèe det veur ins en veur altiëd inne praktijk zouwe òmzette, beteikendj det neet allein ein besparing van pepeer, mer ouch van wirkore. Dao is namelijk veul minder tiëd nuëdig aane lokette òm get oëtgelag te kriëge.

De bōrgemeister heet den ouch de opdracht gegèeve aan **Leona Van Horne**, komunikasiejspecialiste vanne gemeindj en zoëwiezoë kort van stôf, òm alle veul gebruekdje oëtdrōkkinge in ei gemeindjehoës op te liëste en te vertale nao het veul effiesjentere Kinderse dialektj. Eedere deensdigmiddig, es het gemeindjehoës geslote is, is ter biejsjoëling veur het perseniël.

Ouch wèe vanne Rabbedabber juiche dit inisjatief toë. Volgendj jaor gaon ouch wèe eine houp tiëd winne mèt het bestèlle van het materjaal veur de zitting en mèt het aanvraoge van al òs aktiviteite. Gewuën half oktoëber efkes langs gaon en vraoge: "Is al in orde veur de carnaval?" En den het simpel en duidelik antwoord kriëge: "Des zeker det!"



BUURTGEZELLE KINDER EI GROËT SUKSES!

Wist gèe det eine inwoëner op tiën eine 80-plusser is? De gemeindj zètj volle bak in òm diej luj zoë lank meugelik aane koëj te haoje. In Zorgvliet is het namelik sterves drök en aane koëj is het ouch ei pak goojekouper. Mèt het projektj 'Buurtgezelle' hooptj de gemeindj det zoëveul meugelik vriejwilligers gaon instaan veur de klein daagdagelike taakskes diej ter zeen in ei hoëshaoje, zoëdet de aoj van dage neet veul miër hove doon den èete, slaope, zitte en nao de tillevisiej kiëke.

Het waas vanaaf het begin ei groët sukses, zelfs tege de verwachtinge in! En wèe weite wiej det kumtj! 80-plussers, det is namelik nog de generasiej boë desse langs achter binne moogs gaon. Diej dich veur de middig al vraoge of desse eine gooje borrel wils, en diej hum dich al insjödde nog veur desse de jas oët hõbs gedaon. Of diej waat eine teijer ekstra zette en ter van oët gaon desse mèt its. Minse mèt ei groët hart, en mèt van diej fijn verhaole euver d'n oorlog en de beebie-boem naoderhandj. Of van de jaore '60, toen d'r zõnger òmkiëke in het røndj woor gevogeldj.

De vriejwilligers kwame massaal oppe bein veur de insjriefaonvendj. **Ed Smeets** stõng es iëste te wachte veur d'n dørpel van het gemeindjehoës. Veur Ed waas het zelfs gei probleem òm zelf d'n drank te veurzeen, es hèe bije beurveeldj **Madeleine Meuwissen** het graas te gaon meije. 't Is de gezelligheid diej teltj, volges Ed, en hèe wiltj diej aojer minskes neet op köste jage.



Ouch **Wout Hoeken**, **Dean Dewinter** en **Sofie Lantmeeters** hõbbe zich kandidaat gesteldj. Wout, dèe zich gèer verklèdj in vroluj of sm-meisters, dinktj det aojer luj hum veul minder snel zulle veroordeile euver ziëne fetisj. Dean hooptj ouch get miër z'n eige te kinne zeen bije de dördje lèeftiëd. Hobbies geliëk haoke en breije, dao lache tegewoerdig miën lèeftiëdsge-noëte mich mèt oët... Sofie heet den weer anger driëfvèere. Es kleuterleidster is ze het toch al gewuën òm alles 3 kiër oët te môtte lègge, en euver de anger geliëkenisse tösse klein kinjer en aojer luj wiltj ze leever neet oëtweije...

Wèe vanne Rabbedabber ginge al ins kiëke bije **Jan Moubax** en **Jetje Tilmans** inne lieving. Dao waas het al eine gezellige boel. Jan waas waal efkes van ziën mèlk in 't begin. "Diej jõnger generasiejs zeen het begot neet gewindj òm jenèever en

beer doorein te drinke! Dao is nog wirk aan! Mer oefene zulle ze!" Vervolges begos Jan aan ein van ziën òntèlbare verhaole, en toen zeen we mer vertrokke. Wèe zeen ter gerøst in: de buurtgezelle in Kinder, ouch det projektj is good vertrokke!



WIET KWEKE MÈT BÔNDJ!

Het waas het noets van het jaor: dao geit oppe Agropolis in Geistinge en Kësing ein wietplantaasj oët de opgespote grôndj wèere gestamptj! De grindjwinning is zoë good es gestoptj en het zandj waat ze nog aan het oëtgrave zeen bringtj ei pak minder op. De gemeindj zètj allewiel vol in op toerisme. Vakansiewuëninge, driendje huuskes, ein hotel det 'r nog môt kôme boë het huidige steinberggebôw stuit: al is good genôg ôm de luj te lokke en de kas te spiëze. En nèeve de jacht-havegebruëkers, de fitstoeriste, de daagtoeriste en zônnekloppers, zeen noë ouch de drugstoeriste miër es welkôm in Kinder!

Sylvie Vanmontfort, sjepe van toerisme, lègtj ôs oët: "Toerisme is toerisme, dus ouch de drugstoeriste vorme op zich eine groep boë ich de ouge neet veur sloët. Veul van diej luj gèeve hun ganse maandjloën, plus waat ze zoë nog bieverdeene, oët aan hunne hobbie. Wèe höbbe gemerktj det ôzze Kinderse bo-

jem hiël erg gesjiktj is veur kwalitatief gooje wiet te kweke. Gank mer ins oppe Steinberg kiëke: de **Maasvèssers** morse dao regelmaotig get hennepzaod ônger het vesse, en dao kôme ferm plantje oët! Wèe zouwe stôm zeen es wèe diej kans neet griep. Drugstoerisme is trouwes neet seizoensgebonje wiej de gemiddeldje watersport of het daagstrandj, en levertj ôs dus het hiël jaor rôndj bezeukers. Den eine ziëne doëd, is den angerz ziën broëd: oppe Hollenjer zeen ze al ei paar jaor neet miër welkôm, dus wèe ôntvange ze mèt ope erm. De lokale middestandj zal ter veurdeile oët hole, dao bèn ich zeker van!"

Ein van diej lokale middestènjers dèe zich vollebak in de konkurensie-



jstrijd heet gegoëdj, is **Dominiek vanne Bôndj**. "Es ter hiej in ôs fusiej eemes get wètj van good zaod, den bèn ich het toch waal zeker!" lachtj Dominiek. "Neet allein lever ich door miën jaorelank opgeboedje kôntakte in binne- en boëtelandj het bèste hennepzaod, ich höb ouch alles inne zaak veur de gruj te versnelle. Sjemik, mèst, kalkkôrrelkes, en eine houp angere voëligheid. Es het môt woekere, den weit ich waal mèt waat det geit! Of wiej dinkse det Elektro Robe det indertiëd allemaol heet vèrdig gekrege? Toen waas wiet nog illegaal, en daomèt höb ich altiëd miëne môndj gehaoje. Mer noë aane Maas ein volottomatische installasiej kumtj, goëj ich vanzelfsprekëndj al miën troefkaarte oppe taofel. Kweek cannabis mèt Bôndj, en gèe kriegtj de bèste sjit oët ugge potgrôndj!!!"

Gèe lèestj het: ôzze Kinderse wiet, det weurdj gegarandeerdj ei suksesverhaol. Dao geit hiël de fusiej van kinne mèt profiteren. Kinder is echt waal opwindendj röstig!



GEWUËN MÔPPE

In het Brook huppele 2 knien, eine van Kinder en eine van Biësel. Waat ze neet wei-te, is det **Pierre Snickers** dao get ströp heet gelag. Dèe löstj waal aaf en toë eine lekkere kniën.

Opins loupe allebei de knienkes met ei puëtje in eine strop.

Dèe van Biësel begintj drek te jaomere: “Het weurdj al ei bitje dônker. Det weurdj gevaorlik...”

Opins huëre ze ein jeep, en zeen ze in de verte 2 leegte door de buim sjiene.

De kniën van Kinder zeet: “Jông de kins doon waat desse wils, mer ich vrèt miëne poët op. Leever 3 puuj en lèeve, den inne pot belanje!” “Groët geliëk,” zeet dèe van Biësel.

Efkes later is de kniën van Kinder los. “Aaah, ooh, det duit piën. Ich mank mich snel achter eine dikke boum in.” Hèe reuptj nao ziëne maot oët Biësel: “Jông, boë bliefse?!”

Zeet dèe van Biësel: “Waat ein mizerie, ich hób verdomme al 3 puuj aaf gevrèete en ich hang nog vast!”

Jaak Smeets tege **Jean Fiddelaers**: “Jông, de geluifs het noëjts! Miën vrouw Anja is ein oëtdaging aangeaon. Ze dreugtj ein hiël wèek lank ein oëtrösting van Anderlecht. Tot noë toë is ze al geslage, gesjopt en betuftj... Ich bèn benuëdj waat ‘r gebeurdtj es ze strak de deur oët geit!”



WIST GÈE DET...

... De **fômfaar geit verhoëze** nao de aoje sporthal en det det spel volledig opnòw weurdj opgemaaktj en ingerichtj? Wèe gaon volgendj jaor mèt ôs Prinsezitting de nòwe zaal alvast carnavalesk inhuldige!

... De Rabbedabbers al **40 jaor** bestaon, mer det det veur ôs gei jubileum is? Det veere wèe pas es wèe 4 x 11 jaor bestaon!

... Det de Rabbedabbers dit jaor al **33 jaor aangeslote** zeen **bij FEN Vlaandere**. FEN stuit veur Federasie Europese Narre, en det is in feite de carnavalskoepel van ôs gewest.

... 33 jaor geleeje, in 1984, **Jean 2 Brouns** en **Christel 1 Brouns** het Prinsepaar van Kinder, en **Frank 1 Vandebosch** en **Sandra 1 Verbeek** het Jeugdprinsepaar wore.

... 22 jaor geleeje, in 1995, **Eric 1 Van Eygen** de groëte Prins waas, en **Christof 1 Nouwen** en **Elke 1 De Graef** Jeugdprins en Jeugdprinses wore.

... 11 jaor geleeje, in 2006, **Jack 1 Vossen** en **Christel 2 Costens** Prinsepaar, en **Jeroen 2 Royakkers** en **Iris 1 Neel** veurop ginge es Jeugdprinsepaar.

... Det wèe in Kinder ouch eine houp vluchteling opvange? Sins Café Teel in Biësel is gestoptj, zeen ter hiël get stamgaste daakloës gewore. Diej luj kòme noë allemaol nao Café Sport!

TAXI BÈR

Ei taxibedriëf in Kinder, det haaje wèe nog neet! Gematax ligjt namelijk op de grens tösse Ophove en Mezeik, dus det teltj neet echt. Plus: de meiste taxibedriëve richte zich op normaal, standaard klandizie.

“Zèg nòw zelf: lochthaveverveur en ritjes tot maksimum ein oor of 1 ‘s nachts: det duit toch al eederein,” vertèldj **Bèr Smeets** ôs. “Nèe, bieje de meujlikker klantje, dao begintj het pas, dao is geldj mèt te verdeene. Veur det publiek hób ich Taxi Bèr oët de gròndj gestamptj!”

Taxi Bèr richtj zich veural op veuleisendje luj, diej persé hunne meziëk mótte huëre es ze hèer en trök wèere gereeje nao ei fiëstje. Ouch verveur veur vriegezellefiëste of gewuën het heivis bringe van zaatlepe viltj ónger ziëne bisnes.

“Ich weit oët miën eige ervaring wiej ónberèkendj de zaate medemins kintj zeen, en det dao eine aanpak op maot veur nuëdig is,” geuftj Bèr ôs mèt. “Miën vrouw **Maria** en ich hóbbe ein waterdicht stappeplan oëtgewirktj veur de behanjeling van miën kliejenteel. Alé, het is te zègge, waterdicht tot op zekere huëgdje. Wèe hóbbe de

zètels laote bekleije mèt plastiek en eine ruëster inne bojem van miëne taxi gelag. Eine dèe in ziën bòks zeiktj, det is neet het minste probleem, en ouch het euvergèefsel geit tot ein bepaaldje grüedje vanne bròkskes gemekkelik door dèe roëster op. Es eine echt te aggrèsief mós doon, den sjakel ich hum tiëdelik oët mèt eine waalgemikdje linkse hook. De petat waat ich hum verkoup is altiëd in verhoajing tot de nog te rieje kilomèeters, zoëdet de klantj wakker is veur hèe good en waal aane koëj weurdj aafgezat. Ich dink det ich Taxi Bèr echt waal vanne gròndj gaon kriëge, en es ich iërluk bèn loup ich finansjeel gei risiko. Ich hób neet veul geïnvesteerdj. Waat hóbse aan lukse esse neet oppe plaats geraaks. Miën klantje weite waat ze wille: op het inj vanne aovendj gewuën heivis gerake, of het noë get frisser is, of trèktj of neet.”

Wèe vanne Rabbedabber dinke det Bèr waal ins ei gaat inne merret heet gevónje. Zeker ómdet hèe daag en nacht bereikbaar is op ziëne gsm. Alvast veul sukses gewinstj mèt de nòw zaak!



KDR KALBOJS

GAON VANNE GRÔNDJ!

Roel Bosmans heet ein naas veur zake doon, det is get waat zeker is. Toen hêe same mèt **Katrien** het vreugere Slechteriejke kocht, wiste wêe vanne Rabbedabber al op veurhandj det Roel ouch dit pandj tot eine kômersjele suksstempel zou gaon oëtbôwe. Lank heet het neet ins gedeurdj, iër **Bosmans & Co** weer ei nôw gaat inne merret vônj. Letterlik en figuurlik!!!

Sins de suskesreeks op de kômersjiele zender Veer, is d'n zjob van Kalboj ei bitje oët de marginaaliteit gehoordj. De môs dich anno 2017 neet miër sjame esse tewirk bès gestêldj in de erotisse sektor. "Bèeter wirke mèt ei spel det daadwirkelik wirktj, den hiëlemaol neet wirke, of te zitte opgesjeeptj mèt lômmelle en klômmelle diej het neet doon," is Roel ziën devies. "Trouwes: Katrien en ich zeen al efkes same, en wêe hōbbe ein ope relasiej, zoë-es detj hêtj. En wiej miër liëlikke klantje det ich aaf môt wirke op eine daag, wiej miër goesting ich saoves hōb in Katrien heur lekker liëf. Of ich môt te meug zeen, det kintj nateurlik ouch..." zoë zeet hêe nog.

Biej de zeuktocht nao loverbojs ôm tewirk te stêlle zeen Roel en Katrien neet euver eine nacht iës gegaon. Getrouwdj of neet, det muktj in prinsiepe neet oët, mer dao zeen grenze. Roel vertêldj: "Wêe haaje bije de solisitasies ein lêeftiëdsrens van 45 in gedachte, mer **Jos Tattoo** heet 't ôndanks det toch gehoordj. Lang griës haor is toch get neet alledaags, dao is ei bepaaldj publiek veur. En het môt gezag: tot noë toë is Jos ein van ôs meist geboekdje gezelsjapskêerels.



Mèt **Jaak Jacobs** hōbbe wêe d'n twiëdje kalboj in ôs ploog dèe feitelik getrouwdj is. Ich hōb hum waal 10 kiër gezag: Jaak, doot het neet. Mer hêe zou kost waat het kostj aan boord kōme. Diej vleegettickets nao Moskou en trōk, diej Europese tripkes mèt KRC Gink en al diej ander snoepreiskes: det kostj centel! En in alle besjeidenheid maag ich waal zêgge: het geldj kumtj vlot binne. Waal jaomer det Jaak zich door de wirkdrök mèt pepmiddele, Red Boel en Viagra recht môt zeen te haoje...

Ôzze dōrdje kollega is **Michel Pepels**. Michel stuit in veur het oppakke van de tillefoon, het make van de aafspraoke en het verveur hêer en trōk. Eigelik is het waal sneu det zjust hêe, es innigste vriejgezel, het minste maag preuve vanne aksie. Mer: zoë is het lêeve. De môs dich ouch wille opwirke,

zêg ich altiëd mer. Pas op: ich bèn eine gooje baas huër. Wêe hōbbe lèst allemaol de maot van ôs klokkespel gepaktj in eine klodder deig van **Bekkeriej Martens**, en Michel heet ziëne zwans ouch in eine pistolé moge stêeke. Es wêe mèt de kalbojs ôs bestëlling dildo's gaon make, bestël ich ter veur hum ter ouch eine mèt. Dèe maag d'r haoje veur eige gebuëk, of hêe geuftj hum es kado weg aan eemes."

Biej het make vanne groepsfoto, veur de oëtvalsbasis van de Kinderse Kalbojs, veel het ôs op det Roel ein nôw bōs veur de koëj haaj staon. Naovraag liërdj ôs echter det dit geine bedriëfswage is. "Dèe is veur eige gebuëk," zeet Roel. "Michel maag de jōnges gaon aafzette mèt eine Ford Escort. Sjik hê! Het zitj hum in ôzze bisnes inne detajts..."

KINDERSE GEVELS IEDEJAAL VEUR REKLAAM OP MAOT!

Dao waas get oët ei paar maondj geleeje ten hoëze **Thieu Moubax** en **Lies Gerits**. Thieu haaj zich namelik get laote make door het reklaamburo Mediageuze, en dao waas Lies het allesbehalve mèt ins! Thieu haaj zich laote wiës make door Mediageuze det ziëne gevel de bèste van hiël Kinder is veur ei sjik en groët reklamepaniël. Helaas leep hèn mèt de twië puëj veuroët inne val, en hing ter van vandaag op mörge eine mastodontj van ein plaat tege de koëj. Lies kreeg bekans ei beslaag en gaaf Thieu eine ganse daag lang de windj van veur, tot Thieu mèt de staart tösse ziën bein Mediageuze trök heet opgebèldj mèt de vraog: “Kintj gèe mich estebleef ei kleiner paniël kôme bringe, want ich wil miën huwelik neet op het spel zette...” En de rest is gesjiedenis. Het paniël waat ‘r noë hingtj viltj veul, veul minder hël op, en Lies is trök kôntent.

Wèe vanne Rabbedabber vroege ôs aaf wiej het oëjts zoë wiëd is kinne kôme, en ginge bij Thieu aane bel hange veur ei paar vraögskes.

Rabbedabber: “Goojendaag, Thieu. Bèste al get bekôme van hiël het gedoons?”

Thieu: “Jao, det waal, mer ich zit waal mèt ei verbroke kôntraktj, dus det kleiner paniël hingtj hiej noë 3 jaor veur niks, alveures ich miën iëste cente gaon kriëge.”

Rabbedabber: “Mer Thieu toch,

haajse neet get kinne ôngerhanjele. Det waas toch gewuën ei misverstandj mèt de vrouw. Eine vorm van hoësvredebreuk. Dao kinne diej reklamemèn toch waal efkes rëekening mèt haoje?”

Thieu: “Jaomer mer helaas, ei woord is ei woord. Ich hób miën gaat verbrandj en zit noë oppe blaore.”

Rabbedabber: “Dich bès veul te good! Wiej kumtj het eigelik det in ‘t begin diëne hiële gevel vol hing?”

Thieu: “Wiej gaon zoë ein dinger... Diej luj zagte mich det reklaam make op maot ei wirk van barmhartigheid is. En det esse eemes anders kins helpe, desse det ouch gruëts môs opvatte.”

Rabbedabber: “En toen kwame ze uch mèt ei zjevaakel van ei paniël aaf?!”

Thieu: “Kloptj wiej ein bös. En toen kreeg ich dus ferm de windj van veur van Lies. Veural ouch het feit det diej plaat half veur ein van ôs rame hing en eine raom van-

ne boveverdeeping volledig toëw dèkdje, ging heur te wiëd. Nochtans haaje mich diej reklamekèerels gezag det leechtival van boëte tegewoerdig flink weurdj euversjatj. De modern ledverleechting zou veul miër sfeer gèeve es zônleecht en es wèe toch gèer ins in het naturel leecht wouwe zitte, koste wèe toch ouch altiëd ins nao boëte gaon. Ich vônj det toen eigelik ouch hiël logis waat ze mich vertèldje. Ich vônj diej groëte reklaamplaat toch neet mis staon, en ich dach zeker det ôs Lies dao waal aan zou winne...”

Rabbedabber: “Mis gedach?”

Thieu: “Mis gedach!”

Rabbedabber: “Och, Thieu, sjaai môt er zeen. Eederein muktj al ins ein verkiërdje insjating. Wèe zeen ter zeker van det gèe binne 3 jaor ter eine sjoëne aan gaatj euver haoje. En God zal het uch zeker en vast loëne!”

Thieu: “Det dink ich ter ouch van! Bedanktj veur uch bezörgdijheid jônges.”



KINDERSE LOEKALAAJKS!

KINDERSE LOEKALAAJKS



KINDERSE LOEKALAAJKS



KINDERSE LOEKALAAJKS



AANGEBRANDJE MÖPPE



Bart Neel
en **Mathy Schuurmans**,
twië daakdèk-
kers, hōbbe sjaft.

“Hōbs dich det ouch det dien thermos leektj es ze in dien kabas zitj? De koffie zitj weer op miën boterhamme, verdomme!” klaagtj Mathy. Bart kiëktj ins op en antwoordj: “Ich hōb dao jaore trōk al get op gevōnje. Ich trèk altiēd eine condoom euver miën thermos.” “Boē hoolse zoē eine katsjoew?” vreugtj Mathy. “Gewuēn beij d’n apethiëk,” zeet Bart. Nao het wirk sneltj Mathy nao **Apethiëk Peeters** veur condooms.

“Madam, ich zeuk van diej katsjoekes veur euver miën spel,” zeet Piër. “Ich dink waal det ich weit waat desse bedoels,” zeet de apethiëkeres. “Welke maot maag het zeen?” Mathy lēgtj mèt zien henj oēt: “Zoē groēt òngeviër, 30 lank en 10 dik.”

“Amai, det is groēt!” zeet de apethiëkeres verwōnjerdj. “Jao medammeke...,” zeet Mathy. “De mōs weite, es wēe gaon dèkke, den is det veur eine ganse daag hē!”

Jacky Houben is in het Brook gaon jage en kumptj bjun. Hēe vindj **Thea** in bēd mèt Danny Theybers, ziēne buurman. Hēe bedinktj zich neet, paktj ziēn geweer en knaltj **Danny doēd**.

Thea weurdj drek kwaod en reuptj: “Es dich zoē bliefs door gaon, raakse strak al dien kame-raoij kwiēt!”

GEWUËN MÔPPE

Het is wintjer. **Jacky Terium** en **Rina Craegs** zitte smörges boterhamme te èete en de radio stuit op. De wèerman zeet: “Dao weurdj vandaag weer 8 tot 10 centimèeter snië verwachtj. Parkeertj gèe estebleef ugge otto aane kantj vanne straot mèt de èeve hoësnummers, den kintj de sniëploog ter ongestoordj langs rieje.”

Rina geit nao boëte en zètj heure otto oppe zjuste plaats. Ein wèek later, weer smörges vreug, meldj de noëtslèezer oppe radio: “Wèe verwachte vandaag weer ei pak snië. Wiltj gèe estebleef ugge otto aane kantj zètte vanne ônève hoësnummers, den kintj de sniëploog altiëd good door?”

Rina geit nao boëte en zètj heure otto oppe gooj plaats. Weer ein wèek later: hetzelfde verhaol. “Wèe verwachte 12 centimèeter snië vandaag, witj gèe...” Op det momentj viltj de stroom efkes oët.

Rina is in alle staote en mèt ein bedröktj gezicht klaagtj het: “Mer sjat, noë weit ich toch neet waat doen. Aan welke kantj vanne straot môt d’n otto staon???”

Jacky kiëktj ins ônuëzel nao Rina en antwoodj: “Boëveur leutse hum deze kiër neet ins gewuën inne graasj staon?”

Wiej numse ein sjoënmoojer diej op vakansie geit?
Ein trèktang!

FLITSE VAN O



OPPE PRINSEZITTING!



MC DONALDS KUMPTJ NAO KINDER!

De lêste jaore kinse ter neet miër aan oët. In Kinder is ein echte horeca karoesèl op gank gekôme. Kintj gèe nog volge?

Det **Malpeltuus** ôngertösse wijlen is en noëjts miër ope geit, det weite wèe ôngertösse allemaol. Jaomer, want det is ei stök erfgoed det weg geit. **Sportkafetarieja De Sjans** is waal weer ope en ouch de doëd gewaandje Sjurzenjäger is trök oët de as vereze ônger de nôwe naam **De Grenshook**. Tot zoëver gein wèereldjsjokkendj noëts.

Wèe keke waal sirjeus op toen bekindj geraakdje det **Ronny Domen** mèt ziëne saajdkik **Sharonna** het **teatercafé vanne Stegel** geit euverpakke. En op waat veur ein meneer den nog: ze gaon ter eine Amerikaanse saloon van make. Ronny lègtj ôs oët: "Ich waas al efkes aan 't breuje op get noëts, op eine volgendje stap in miën karjèere es horecapaus van Kinder. Det teatercafé inne Stegel, det leek mich waal get, mer den leefst neet same mèt **Clara**. Zoë de godganse daag mèt diën vrouw môtte same wirke, det kruptj neet in diën kaoj kleijer, det wètj eedere manskèrel. Ich höb dus in plaats van Clara mer aan Sharonna gevraogdj ôm same mèt mich inne Stegel te kroëpe. Gelökkig zag ze drek jao. Clara waas echter wiej eine reek toen ze het huërdje. Wèe wore zjust get aan het friemele, esse begriëps waat ich bedoel, en toen ich het heur zag, ging ze inins tekiër wiej eine wildje stier. Ich veuldje mich zjust geliëk eine kowboj. En toen, toen veel het mich in! Es wèe dao ins eine Amerikaanse saloon van make? De môs weite:



temacafé's doon het good en Biësel, det is toch al ei bitje de far west op z'n eige. Van het ein kwaam dus het anger, en ich en Sharonna zeen bèst fier op ôs nôw zaak. Ich dink det het geit aanslaon!"

Wiej deeper wèe ginge grave in het verleeje enne toekômst van ôs Kinderse cafébase, wiej wiejer ôzze mândj ope veel. Toen wèe ouch bij **Steve Bambust** ins ginge aankloppe veur hum get vraoge te stèlle, kregè wèe pas echt noëts heit vanne naoldj: Mc Donalds kumtpj nao Kinder!!!

Steve vertèldj: "Gèe môtj weite, ich wil de groëtste wèere en ich höb op ei paar jaor tiëd al enorm veul ervaring opgedaon waat fleksiebel ômgaon mèt d'n horeca betrefj. Det höbbe ouch diverse multienesjonals ingezeen. Lèst kwaam hiej ein van de topluj van Mc Donalds euver de vloer. Dèe mins begintj hiej tege mich van: *"Meniër Bambust, wèe zitte in eine kleine krisis, wèe verleeze terrein, de Burger King kumtpj nao Belsj, wèe zitte mèt de henj in het haor. Gèe wètj van aanpakke, kintj*



gèe ôs neet get op wèeg helpe?" Ich höb dèe brave jông laote oëtkalle, ich dach ins deep nao en höb hum vervolges miëne Chez Vie verheurdj ôm ter eine Mc Donalds van te make. Straf hè?! Ziej kôme mich ôm raad vraoge, en nog veur ze good en waal trök boëte staon, haaj ich ze ei heurkôntraktj aangesmeerdj!! Es horecapaus van Kinder môsse kei- en keihèl zeen. En kinne delegere: kiëk mer nao de Limburger!"

Steve leet ôs alvast de planne en de tekening zeen van wiej de nôw zaak ter geit oëtzeen, en wèe môtte zègge: sjapo! Eine draajf troë door het Kattestraötje: det getuëgdj van inzicht! Wèe dinke det mèt dèe Mc Donalds in Kinder de friture waal ins eine flinke kônkurentj gaon kriëge. Weurdj vast en zeker vervolgdj! Ôm nog mer te zwiëge euver wèem noë presies de strijd ôm d'n titel van horecapaus geit winne...

BRÈEKENDJ NOËTS: DE PINOT BASDÔNK IS DAO!



Waat geit det toch traag veur ôs beginnendje wiënbore **Koen Quix** en **Brecht Vanhoef**. En waat kostj det geldj! Ôs heldje zeen echter sins kort het leecht achter de wolke oët kôme, want hun droëvestranke drage eindelijk diej dikke, riëpe en sappige droëve diej nuëdig zeen veur de innige echte Pinot Basdônk te kinne brouwe. Hèe is bekans dao!

De veurbereidinge veur de distribusiej zeen al in volle gank! De mèn zouwe de mèn neet zeen es ze neet zouwe zörge veur ein baanbrèekendj konsept. “Wiën heet jaomer genôg nog altiëd eine elietèere naam veur sômmige luj. Zeker op het plattelandj is het nog altiëd neet vanzelfsprèekendj det in eine frigo of kelder de wiën nèeve het beer of de mèlk maag staon. Op det gebeed zeen wèe eigelik veul te gewuën en besjeije. Wèe hōbbe daoveur get bedach det ôzze wiën korter bie de minse môt gaon bringe: ein hip wiënkerke veur ein hoës aan hoës bedeilig!” aldus eine fiere Quix.

Vanhoef vōltj ziëne maot aan: “Det is zjust! Allewiel hōbbe de luj weer veul heimwee nao vreuger, toen alles bèeter waas. Ich waas mèt Koen bezig euver de jaore stillekes en trok drek het vergeliëk nao vandaag d'n daag. De hoës aan hoës bedeilig

is veur de mômentj ouch volop ‘in’. De websjops gliëk Bol.com en Zalando doon gouwe zake! Allein misse wèe toch de persuënlikke benadering van vreuger. Toen haajse beveurbeeldj **Eric ‘van het mèlk-kerke’ Van Eygen**, dèe mèt ziëne kleine kammejao de mèlk aane koëj kwaam bringe. Altiëd det vertrōwdj gezicht, dèe vriendelikke glimlach en get sjèele zeiver. Dao deej de luj gèer de veurdeur veur ope. En esse get eige bès mèt diën klantje, kinse nao verluip van tiëd gewuën langs achter binne! En det wille wèe ouch, det geveul wille wèe trōk bringe in Kinder!”

Koen en Brecht zeen op dit momentj nog bezig mèt het zeuke nao ein herkinbaar en eksklusief meziekse veur op hun wiënkèr, in samenwerking mèt Radio Monza. Det is den ouch hiël belangriëk. “De mōs de luj van wiejer op inne straot al heppetig make, esse het meziekse speuls,” zèet Koen. “De Mireille haaj det ouch!” volges Brecht. “En de mōs toch het werm water neet opnōw oëtvinje hē?! Laot ôs mer gewuën wiën brouwe!”

Wèe vanne Rabbedabber zeen echt gruëts op ôs plaatselikke wiënbore Quix en Vanhoef. Ei groët sukses is weeral inne maak!

WIST GÈE DET...

... Det 17 jaor geleeje, in 2000, toenmalig Vorst **Thei Van Dael** de luj langs alle kantje huërdje klage det het wiej langer wiej slechter geit mèt de vereiniginge. Hèe deej toen ouch eine oproop in het Rabbedabberke òm de jōnger ginnerasiej genôg kanse te gèeve òm veur ein verjōnging te zörge in het Kinderse vereinigingslèeve. Het maag òngertōsse wèere gezag det eederen tiëd det soort probleme en sjrik kintj. En òngertōsse weite wèe ouch det ‘r altiëd waal opvolging kumtj. Het Kinderse vereinigingslèeve is nog altiëd top, en zeker bie de Rabbedabbers hōbbe wèe neet te klage! Kinder alaa!

... De **All-Stars** dit jaor zeen oëtgerope es Ridder inne Orde vanne Rabbedabbers. En det dit de iëste kiër is det ein vereiniging deze iër te beurt viltj! Wèe hope det de ingekaderdje medaliej ein sjoën plèetske kriegtj in hunne al riëk gevōldje trofeejekest.

... **Dirk Bogie** en **Roel Baens** zeen oëtgerope tot Kroënridders inne Orde vanne Rabbedabbers. Prachtig waat diej twië al gedaon hōbbe veur de Kinderse carnaval!

... **Marc Meurs**, **Dirk Stals** en **Frederik Vandeweyer** zeen toëgtreeje tot de Raod van Èllef.

... **Jo Kwaspén** en **Patrick Ghijssels** nao veul jaore hōbbe beslote het get rōstiger aan te doon mèt de vastelaovendj. En det wèe noë zeker en vast verlore gaon rieje mèt de fits...

AANGEBRANDJE MÔPPE



Thieu Brouns, Marc Segers en Theo

Schoofs zitte in

eine vleejer. Theo zitj in ziëne stoel mèt ski's aan, en Thieu zitj in de zwumbôks inne zèetel. Marc vreugtj zich hël-op aaf: "Boëveur zitj gèe ter eigelik zoë raar bijj?"

Theo zeet: "Jông, es dèe vleejer seffes môs kresje, goëj ich de deur ope, spring ich ter oët en ski ich zoë langs de berg nao ônger."

Thieu antwoordj: "Es wèe mèt dèe vleejer zouwe kresje: de deur ope en ich spring in het water!"

Marc bedinktj zich neet en begintj volle bak ein negerin in de zèetel langs hum te vogele. "Es dèe vleejer zou kresje, zitte miën gegèeves inne zwarte doës!!!"

De B en C reserve van Maaslandj Noordoost zeen op staasj in Amsterdam. Ze gaon op eine aovendj nao de Wallejtes, boë ze veurbiej eine raam kôme boë-op stuit: 'SEKS: 50 EURO, GRATIS BORRELTJE'.

Bart Creemers, dèe wètj waat eine euro wèerd is, geit binne, mèt 50 euro al inne handj. Hèt mèegdje begintj drek: "Welkom, fijn det gèe van ôs aksie wiltj profiteere, mer ich môt uch waal get vertèlle: ich hōb geine klitoris..."

Bart: "Oh, det is neet erg. Gèef mich mer gewuën eine Jägermeister!"

TOPSPEULERS MAASLANDJ TRÈKKE NAO CHINA!

Esse dinks det het neet miër gekker kintj... Aafgeloupe maandj sting ter eine Chinees veur de poort van ôs voetbalclub Maaslandj NO te dreije. Veurzitter **Jan Vandenberg** en **Peter Hoedemakers** kwame zjust van bijj de akkomodasiej in Kèsing, en paktje de ôngertösse al flink ôngerkeuldje Aziaat mèt nao binne, boë ter zich lekker werm tege de sjefaasj inne kantien zat.

Al snel bleek det hèn mèt ein gooj reeje nao Kinder waas gekôme. De Chinese ploog Sjanghaj FC wiltj namelik fors inverstere ôm ouch speulers oët Europa nao dao te hole. Jan en Peter, diej good genôg weite det het sins de kôntrol op het zwartj geldj inne voetbal neet gemekkelik is ôm genôg geldj euver te haoje veur hun eige vriejwilligersloën, ginge drek rōndj de taofel zitte ôm ei paar speulers te verkoupe. Nao get rōndj te belle nao speulers vanne iëste ploog, wore ter al snel 3 mèn

diej zich mèt veul goesting in ei boëteland's avonteur wille storte: **Sabir Chadli**, **Roy Vanfloorop** en **Mitch Conen**. Wèe vanne Rabbedabber ginge efkes bijj diej speulers langs veur ei kort mer krachtig intervjoeuw.

Rabbedabber: "Daag Sabir. Ouch langs ôzze kantj profisijat! Boëveur den toch de beslissing ôm nao de Chinese kômpetisiej te trèkke?"

Sabir: "Loëster, es ich het noë neet doon, doon ich het noëjts miër, en geraak ich missjien waal noëjts miër hoëgerop. Ich môt trouwes ouch aane familie dinke, diej miljoene kôme good van pas!"

Rabbedabber: Zèg, en diej drōkdje dao in zoë ein miljoenestad, zal dich det neet teveul wèere?

Dich bès, zjust wiej wèe allemaol, het rōstig lèeve oppe booreboëte gewuën.

Sabir: Diej drōkdje in China zal ich snel gewuën zeen, doa hōb ich geine sjrik veur. Bjōs aane koëj is het ouch altiëd ein drōkdje van



NDJ NO

jewelste en wèe zeen het gewuën òm mèt veul luj op eine houp te lèeve.”

Rabbedabber: “En dich, Roy, hóbse geine sjrik det Peter en Jan diën blessuregeveuligheid hóbbe verzwege? En det diej Chineze dich nao ein half jaor al es eine miskoup gaon bestempele?”

Roy: “Mer nèe. Elke groëte kòm-petiesiej heet ziëne man van glaas. In Duitsland hóbse Arjen Robben, in Ingelandj hóbse Kompany. En in China gaon ich veur dèe titel. De mós weite: eemes dèe kônstant get aane kneuk heet, wèktj ouch veul kòmpassiej op. Det muktj ein klup simpatiek. Det gaon ich diej Chineze waal bije bringe!”

Rabbedabber: “Mitch, dich bès hiej de jôngste vanne 3. Kinse de Chinese kòm-petiesiej eigelik waal good genôg?”

Mitch: “Bwa, ich speuldje vreu-ger hiël gèer Chinese voetbal oppe speelplaats vanne basissjoël. Dus ich dink waal det ich mich weer snel zal aanpasse aan diej



spelregels.”

Rabbedabber: “En al diej doë-zendje kilomèeters van hoës zeen, geit det waal lökke? De bès nog zoë jônk...”

Mitch: “Gei probleem! De B en C reserve hóbbe al laote weite det ze regelmaotig gaon aaf kòme òm de sfeer ter in te bringe, es wèe 3 de vlee-ger en het hotel betale. Mer mèt al diej miljoene op òs rée-kening is det strak het minste van òs zörg.”

Rabbedabber: “En höbtj gèe al ei röknummer moge keze? Det geit toch zoë es ter topspeulers oët het boëtelandj kòme? Diej moge det toch zelf keze?”

Sabir: “Ich gaon veur het nummer 9. Het nummer vanne spits, mer det kreeg ich bije Maasland neet. Ich mós mich altiëd mer aanpasse zagte ze.”

Roy: “Ich pak 3, dao zal al ge-nôg op mich aaf kòme, dus ich wil toch gèer miëne nummer van Maasland haoje, det geuftj mich innerlikke röst.”


Mitch: “Ich hób 142 gevraagd. Det is miëne favoriete nummer van bije de Chinees in Ophove.”

Rabbedabber: “Mèn, wèe winse uch veul sukses in China. Laot ze mer ins get zeen dao!”

Sabir, Roy, Mitch: “Danke hè!”



FLITSE VAN OPPE KINJERZITTING!



2016: HET JAOR VANNE JUBILARISSE IN KINDER!

In Kinder is het dèk fiëst. Missjien minder dèk es in Geistinge of Biësel, mer waal dèkker es in Ophove of Kèsing! Ouch in 2016 wore ter weer hiël get jubilarisse, diej sòms ei groët fiëst bôwdje, en sòms ei klein. Sòmmige wore ter al vreug bie, en sòmmige weer zjust oppe valreep. Samegevatj waas het weer ei jaor van knallers en sissers, van gejuich en gejang. Wèe vanne

Rabbedabber steurdje ôzze fotograaf bie, inkele gelegenhede op paad veur get sjoën kiekskes...



GEWUËN MÔPPE

Vera Hendrikx heur ottoke stuit te koup, en det dink stuit al wèeke aan ei stök veur aane straot. **Jos Tattoo** is det meug, want hèe kintj neet miër good langs mèt ziëne pik-up en beltj aan: “Vera, veurwaat versperdj dèt ottoke van dich hiej noë al wèeke de half baan?”

Vera jaomertj: “Neemes heet interesse, hèe heet al 350.000 kilomèeter oppe tèller...” Jos zeet: “Mer dèt kin ich waal regele veur dich. **Benny Jacobs** stuit nog bie, mich in het kriët, es ich dèe det vraog dreijtj dèe dich d’n tèller trök.”

Ei paar wèeke later stuit Vera heur ottoke gewuën inne oprit. Jos vindj det vreemdj, en beltj opnòw aan. “Is dèe otto noë nog neet verkocht?” Vera: “Boëveur zou ich, hèe heet nog mer 50.000 kilomèeter!”

Patrick Verlaek kumtj **Café De Grenshook** binne en vreugtj eine borrel.

Hèe kiëktj in ziëne binnezak en vreugtj opnòw eine borrel. Hèe kiëktj weer in ziën binnehaal en bestèldj weer eine borrel.

Det geit zoë efkes door, tot **Ine** zeet: “Waat zitj er toch in diën binnehaal?”

Zeet Patrick: “Det is ein foto van miën vrouw.”

“Vanaaf det ze ter good begintj oët te zeen, weit ich det het tiëd is òm heives te gaon.”

WIST GÈE DET...

... Wèe dit jaor veur de jeugd ein echte **Jeugdprinsezitting** hōbbe gehaoje. In samewirking mèt het aojerkomitè vanne basissjoël en de Jeugdraod waas het op zaoterdigmiddig veur de groëte zitting ein echt fiëst, mèt zang, dans en ambiance! De zaal aafgelaaje vol, en allein mer lachendje kinjergezichte. Volgendj jaor miër van det!

... **Vera Eerdekens** veur de lètste kiër de zaal heet gepoetstj nao de Prinsezitting. Vera geit op pensjoen en wèe gaon heur zeker en vast misse! Wèe hōbbe heur nog eine gooje borrel ingesjōdj dit jaor en hope heur nog lang te moge zeen op ôs aktiviteite. Vera: bedanktj!!!

... Det de **Prinsezitting stampvol** zaat mèt optreejes. Mer leefst **13 groepe oët ôs eige dōrp**, aangevōldj mèt De Sjatties en Juulke. Veur Kinder wore Merle Conen, De All-Stars, de Hofdames en Hofhiëre van aod-Prins Roland I, de Road van Èllef, de aof-Prinse, de Jeugdraod, ôs aod-Jeugd-prinsepaar Jarne I en Britt I, Tessa Dirkx, de dames vanne Raod van Èllef, de aod-Prinse, de Gebroeders Ko vanne Aldi en de Sjaaimakers de sterre vanne aovendj.

... Det wèe eine nōwe café hōbbe in Kinder? Boë vreuger De Sjurzenjäger waas is noë **Café De Grenshook** gebore!

... Det ôzze eige Media **Marc Meurs** weer berge fotowirk heet verzat, en det hēe det al jaore duit. Marc: bedanktj!

16+

FOUTE OPENINGSZINNE!

Het waas aafgeloupe jaor eine tiëd lank ein haajp op Feejsbook: de foute openingszinne! Van sōmmige luj vinje wèe het neet gek det ze neet vanne straot aaf gerake, esse huërs wiej sjēemel hun verleijngstechnieke zeen. Ei vrouwmins mōsse verleije mèt zeute weurdjes en sjoën rijmkes, neet mèt sjēele zeiver! Wèe ginge ouch ins op paad binne ôs eige carnavalsvereiniginge en vroege aan sōmmige Rabbedabbers waat hunne meist foute openingzin waas. En het mōt gezag: ouch hiej waas het janke gebloaze...



KINDERSE MÈLK TAKS

EIN KWESTIE VAN TIËD!

Het is viëf veur twelf, zoë klage ôs Kinderse mèlkbore. “Wèe kriëge geine rotte euro miër veur ôs mèlk, de köste swinge de pan oët en de kuj wèere zelf ouch langzaamaan gek inne kop van ôs gezèeg en geklaag. Biëste veule det, es hunne baas, of in dit geval hunne boor, de wanhoop naobiej is. Dao môt get gebeure!” zoë klage **Wout Hoeken** en **Jan Linssen** bie j ôs redaksiej.

“Loëster,” zeet Jan. “Ich bèn al ei paar jaor zoë wèers es eine kniën door diej belachelikke mèlkpriëze. Ich kin de kuj bèeter noa de slechter bringe ôm ter bifstök van te laote make. En den nog. Toen ich huërdje vanne priës van het vleis, zakdje ich bônk van mizerie door miëne stoel! Ouch **Kurt** en **Thomas** zitte smiddes aane taofel stein en bein te klage, en det wirktj den weer op ôs **Reinhilde** heur gemood. Het is ein sjanj!”

“Jan heet geliëk,” völtj Wout aan. “Aafgeloupe jaor sting het water ôs al flink aane lippe, en toen begôs het inins te rëegene. En te rëegene. En nog ins te rëegene. Tot ‘r potverdomme èndje op ôs akkers zwomme! De maïs verzoop ôs boë wèe bie j stônge! Es of het nog neet erg genôg waas kwame **Jef Segers** en **Pierre Sniekers** mèt hun jaachsgewere get èndje aafknalle veur inne sop. Toen waas bie j mich de maot vol. Ich ging ter op aaf mèt de reek en hób van pure gift Jef in ziën vot gestoke. Ich wil mich dao noë waal gèer veur ekskuzere. Mer op det momentj...”

Rabbedabber: “Begrïepelik. De zouws veur minder. Mer

gèe höbtj ôngertösse waal de zake bèeter geregeldj gekrege?”

Jan: “Esse det mer wèts. Eigelik heet Maggie De Block ôs de ouge doon ope gaon, mèt heure sôktertaks en taks op alkoool. Es ziej det kan, kinne wèe det ouch! Wout en ich zeen drek nao het gemeindjehoës nao Jo Brouns getrokke, en hóbbe dao ins good op Jo ziën eikehoute taofel gekloptj! De kins mich hè, ich hób het hum ins good gezag. In Kèsing kriëge ze wiet, en wèe kriëge hiej niks veur ei rasecht streekproduktj? Zoë geit de zôn neet op! Wèe zeen den ouch hiël vriëd det wèe hiej in Kinder eine primeur hóbbe: ze gaon eine taks op mèlk höffte!

Rabbedabber: “En höbtj gèe geine sjrik det de luj den boëte de grenze van ôs fusiej ôm mèlk gaon?”

Wout: “Niks mèt te make! Wèe trèkke ôs trök achter ôs eige dörpsgrenze. Es zoë eine pipo wiej Trump det kintj, kinne wèe det ouch! Desnoëds môt Jo mer snel eine inveurtaks op mèlk van boëte de fusiej ter door doëwe. Angers gaon wèe gewuën nog ins op ziën taofel kloppe.”

Wèe vanne Rabbedabber steune alvast ôs bore. Zèg noë zelf: waat is ter bèeter den mèlk oët Kinder? Hiëlemaol niks!



KINDERSE POKEMONS VANGE!

De haajp van het jaor is aafgeloupe zomer ouch in Kinder ferm vanne grôndj gekôme. Pokemon Go waas neet weg te branje oët het Kinderse straotbeeldj. Hiël get groepjes jung troepdje same aane kirk, op het Dörp en op de gekste plaatse in Kinder. Allemaol mèt mer ein doel veur ouge: zoëveul meugelik Pokemons vange. De echte euverlast begôts echter op te kôme in juli, toen ôzze eigeste kômpjoeterman **Raf Nijs** in samewirking mèt **VDS Elektroniks** eine Kinderse updeejt oët brach. Sins toen waas het ouch meugelik ôm, in plaats van diej aafgezègdje biëste gliëk Pikatsju, Bulbasaur of angere belachelikke name, echte Kinderse Pokemon te vange. De Kinderse jung leepe de deure van VDS plat veur de Kinderse updeejt, en bie het boëte gaon môs **Thieuke Stals** mèt ziën fluopekske de jeugd helpe euverstèeke, want neemes keek nog nao de wèg. Allein mer oug veur de gsm haajp ze...

Wèe môtte het zègge: Raf haaj echt good wirk gemaaktj van de Kinderse Pokemon Go. Dao woor ein

massa Pokemon losgelaote in en rôndj ôs dörpkje: mekkelik vangbare, meujlikke en hiël meujlikke. Het waas gein simpel opdracht ôm ze allemaol te vange!

Jo Brounsmon waas in feite de aller gemèkelikste ôm mèt eine welgemiktje bal oët te sjakele. Aan ziën eige koëj môsse neet zien. Ofwaal op het gemeindjehoës d'n trap op en drek links de buro binne, ofwaal alle Kinderse fiëste aafsjoëme. Ei buurtfiëst, ein opening van ein opgemaaktj kapelleke of bie eine barbekjoew veur het ein of het anger: everal kumse Jo Brounsmon tege. Zelfs via d'n digitale wèg kinse gemekkelik opzeuke boë det hêe zitj op welk momentj van d'n daag. Op Twitter en Feejsbook geuftj 'r kônstant ziën wèerabouts priës.

Ouch **Rina van Riëkmon** is ein van de gemekkelikste d'r oët: 24/24 achter het buffèt van Café Sport of oppe divan achter. Riëk heet inne zomermaondje vanne noëd

ein deugdj gemaaktj en heet ziëne ômzèt Fristi zeen stijge mèt 311 persent, door al diej jeugd diej inne veranda binne kwame ôm Rina van Riëkmon te vange! Allein op maandig waas het dèk chaos, es hêt trök kwaam vanne winkel en hêt eeders kiër de jung oppe parking bekans euver de vèese reej.

Ein get meujlikker Pokemonneke is de **Rachel van Eddy en Chantal Coonenmon**. Sins ze ein leefste heet aane kantje van Bôggentj is ze veul minder aane koëj. De môs al flink gelök hōbbe ôm ze te treffe. Op 19 juli waas het hiël





mèt de fits tösse het Dörp en Lanklaar. Ouch is hèe regelmaotig achter de Delhaize te spotte, mer het heet weinig zin òm de ganse daag mèt diene gsm aane Delhaize te gaon ròndj hange. Det is verloren tièd.

Ouch neet gemakkelik, mer waal ei pak simpeler aan de verzameling toë te voge es Piër, is de **Hermao van 't Klumpkemon**. Eederen daag zuëse dèe waal ròndj de-zelfdjen tièd wanjele mèt ziène Pokenhòndj. Dèe hòndj levertj dich trouwes ekstra punte op! Es KRC Gink speultj, hoofse mer ins langs te gaon bie de Kinderse café's boë de voetbal opstuit. Gegarandeerdj desse Hermao van 't Klumpkemon dao kins vange.

Toch ei fijn spel, dèe Kinderse Pokenon, allein zoë vermeujendj. Mer waat wils: esse ter eine hõbs gevange, wils ze allemaol!

good wèer in Kinder, en toen laag de Rachel van Eddy en Chantal Coonenmon zònger bovestökske aan het zwumbad in d'n hoof. **Stef Stals, Jelle Bogie en Sinan van Martha vanne kebab** vreuger kwame op hun fitskes aaf, mèt de gsm inne handj. Toen ze stiekem achteròm slope, wiste ze ièst neet boë kièke toen ze Rachel in al heur glorie oët het zwumbad zage kòme. De wèke dao-op wiste Eddy en Chantal neet waat aan te vange, mèt al diej geil jung veur de deur. D'n hòndj Boke blafdje zich heis. Het ergste van al waas den nog det ouch eine houp aojer luj aafkwame, de gsm en de oëtvlöcht in aanslaag.

Dao zeen ouch hiël meujlik vangbare Kinderse Pokenon in het spel. De **Piër Grispemon** beveurbeeldj: 's nachts is dèe nog hiël meujlik te trapere, en euverdaag is ter vriej ònberèkenbaar es 'r zich verplaatstj



AANGEBRANDJE MÔPPE



Juul Prenen zèegtj al maondje zièn aojers **Evelien** en **Tom** de oëre vanne kop veur ei breurke of ei zòsterke. Op eine daag is **Tom**, dèe euveriges gekniptj is, het gezèeg kaök. Hèe reuptj Juul en zeet: "Kièk, hiej hõbse get graaszaod. Stroëj det mer good ròndj in den hoof en den kumptj d'n oëjevaar waal vanzelf."

Juul struitj het zaod euveral in het ròndj, en 2 maondj later kriège **Vera Hendrikx** en **Raf Terwingen**, diej inne naober woëne, eine kleine. Es Tom en Evelien mèt Juul en op bezeuk gaon in het zeekehoes, zeet Juul tege Raf: "Esse mer neet dinks det det dièn zaod waas. Det waas van pa bjòs!"

Nancy Goijens en **Maarten 'van Hover' Lemmens** zeen bezig aan ei stevig põtje seks. Opins vreugtj hèe: "Sjat, wie-nië kumptj diene mins toës? Ich zou hum neet gèer zeen binne valle, 't is miène bèste kameraöd..." "Maak dich mer gein zörg," zeet Nancy. "Het ièste oor is dèe zeker nog neet hiej." Efkes later geit den tillefoon. Nancy puktj op en zeet: "Hallo sjat, ok sjat, gei probleem sjat, tot strak sjat..." Daonao zeet ze tege Maarten, heure minnaar: "Det waas **Matty**, wèe hõbbe nog zeker ein oor ekstra." Maarten: "Ow, môt 'r euver wirke?" Nancy: "Nèe, hèe zag det hèe mèt dich aan het tennis is..."

GEWUËN MÔPPE

Oppe sjoël zeen **Jonas Knippenberg, Mateo Flipkens** en **Lennert Paesen** ôngerein aan 't stoefe.

Jonas vertèldj hiël vriëd: "Pa bjôs is zoë sterk wiej eine bèer. Hèe kreeg het lèst op café het aane stek mèt eine Hells Angel. Mèt eine slaag sjakeldje pa dèe kèttingbèer oët!"

"How," zeet Mateo. "Miën vaajer is missjien neet sterk, mer hèn kintj rieje wiej eine relliepiloot. Hèn heet lèst nog de handrem getrokke toen hèn het rônndj punt in Kinder op reej. Sjuëve en drifte wiej eine gek!"

Lennert bedinktj zich ins. "Ich sjaam mich eigelik veur pa bjôs. Det is eine echte sissie, hèn is zelfs bang van 't dônker. Es ma nachtpost heet, zitj 'r de ganse nacht van sjrik bieje ôs buurvrouw."

Jurgen Caris zitj mèt **Anneke Dirkx** bieje **Cafetarieja De Sjans**. Hèn zitj d'n hiële tiëd te lônke nao **Katrien Janssen**, diej get wiejer aan ei taöfelke zitj. Anneke heet het al effe door en opins weurdj het heur teveul.

"Menke, es dich zoë bliëfs lônke nao det jônk mèegdje, vraog ich môrgde de sjeijing aan!"

Jurgen antwoordj druëg: "Belove, belove, belove. Altied mer belove..."



Ôzze eige **Pool Frit** zal eeder jaor ein van ziën geheim resepte priëes gèeve diej hèn gebruekdje inne frituur vreuger, in Elkerlyck en inne Heerlijkheid.


Efkes good oplètte, want in deze Rabbedabber lègtj Pool uch van naoldj tot draod (of môtte wèe zègge

EI GEHEIM RESEPT VAN POOL FRIT!

van pan tot ketel?) oët wiej gèe skampies mèt roumsaus klaor maaktj.

Waat môtj gèe hole inne winkel?

- Skampies
- Uënje
- Kippepasta
- Pèeper en zaot
- Boter en bloom
- Nao keuze: champignôngs, look, kuuriepoeyer.
- Ouch volges ugge eige smaak: kriel-pattatte, èrpele of ein pastasoort.




Waat môjt gèe doon veur eine lekkere sjotel skampies in roumsaus a la Pool Frit oppe taofel te kriège?

- Hool de skampies oët de diepvries, laot ze òntdoeje en pel ze.
- Gebruèk de sjaale òm eine boejông te make. Water op het veur, en dao fiën gesneeje uënje, ei blökske kip-pepasta en de sjale bij doon. Kruje mèt pèeper en zaot, 15 minute zaocht laote koke en den zifte.
- Hool de derm oët de skampies en sniej de dikke kantj half door.
- Bring de aafgesjódde boejông (dit weurdj uch saus) aane kook, goëj dao opnòw fiën gesneeje uënj, de skampies en eventueel gesneeje champignòns bije. Laot plusminus 1 minuut opkoke.
- Hool de skampies oët de ketel en haaj ze werm.

- Binj de saus mèt beure marnier (boter mèt bloom vermingdj) of mèt water en bloom. Aafsmake mèt pèeper en zaot.
- Leeftöbbers van look kinne 1 of 2 tiëntjes perse en d'r bije doon.
- Wèem het leever get pittiger heet, kintj 'r get kuuriepoejer bije doon.
- De skampies mèt de saus servere, mèt dao krielpattatjes, gebakke pattatte of pasta (nao keuze) bije.
- Het gerechtj kintj ouch gegratineerdj wèere. Gemale kiës ter euver struije (det maag veul zeen) en ònger de gril sjoèn broèn laote wèere.

SMAKELIK!!!



AANGEBRANDJE MÔPPE



Joke Hoeken en Jo van Eygen

ligge same in bèd. Opins veultj Joke det heure mins heur begintj te betaste, zoë-es hèe heur al lank neet miër heetj bepoteldj. Het kriebeldje iëst ei bitej toen ziën vingers begoste in heure nak, en daonao nao ònger sjove langs heure rög. Den sjoof ziën handj langzaam euver heur sjouwers en zoë langzaam nao ònger euver heur borste.

Vervolges sjoof ziën handj nao heure linker erm, streeldje opnòw langs de ziejkantj van heur borst, sjoof langzaam langs heur ziej nao ònger euver heur kòntj, langs heur bein tot aan heure inkel.

En toen, halverwèege heur rechter bein, stoptj hèe opins, roldj trök op ziën ziej en begintj trök nao de tillevisie te kiëke.

Joke waas òngertösse flink opgewònje geraaktj door al det gestriël en vraogtj mèt zaachte stum: "Sjat, det waas heerlijk. Boëveur bèsse gestoptj?"

Jo antwoordtj: "Ich höb de aafstandsbedeening gevónje..."

ZÔNDIG 26 FEBRUARIE

VANAAF 14:11

GROËTE STOET

DOOR DE KINDERSE STRAOTE

ACHTERAAF AMBIANCE

INNE FANFAREZAAL



KV RABBEDABBERS en **KINROOI**
presentere

VERKLEDJ BAL

IN CAFÉ SPORT

OP MAONDIG VANAAF
27 FEBRUARIE 20:11

HOTDOGS VERKRIËGBAAR!



VRIËDIG 24
FEBRUARIE
16 TOT 23 ORE
DIALEKTOËTZENDING



MËT MATHY & MARK

Radio
monza

FM 106.5 • www.radiomonza.be

